

海
秋
詩
集

海秋詩集卷之二

益陽湯鵬海秋撰

四言古詩

彼秋者槐十章

彼秋者槐過曹新安師故第灑淚以弔也

彼秋者槐淒其以黃網軒墜月藻井繁霜陸陸元輔協
毗天綱今無老成亦孔之傷

彼秋者柳淒其以綠繡栢激飈馨廡散旭業業秉鈞載
醇載郁人之云徂憐我情愴

天眷

皇清誕育。夔龍納忠。效信補袞。從容惟樸。惟謹韜德。諱功及其逝矣。羣乃慄慄。

皇顧在廷。汝房汝杜。語密謀深。讚今誼古。爰糾爰繩。爰黻爰黼。天不憖遺。泣涕如雨。

窈窕南榮。枳籬藥房。皎皎方疏。綈帙縹囊。昔我至止。緝藻雕章。今我至止。悲痛結腸。

黃封之醞。厥味孔濃。青綱赤玉。厥采孔工。夫子何爲。貽我則恭。匪文曷與。匪道曷同。

娟娟小子南園之儒芙蓉是衣松杉是居既誕既散既
慙既迂夫子何爲揚之天衢

食苗惟鼠黠白惟蠅後掉虎尾前履春冰公之許與我
之凌兢名高羽短已矣審騰

孰謂鷦鷯可窮嶮沈孰謂螳螂可當車轍處今方慙緬
曩彌劣秋風騷騷爲我嗚咽

日暮沙黃我馬盤桓言禮其幃言凭其欄彝鼎既雕吐
握旣寒時無蹇脩俾我永歎

莫高匪佖六章

莫高匪岱。賀穆長白師入閣也。

莫高匪岱。莫闢匪溟。光光雅節。實磴實晶。罔懈于夙夜。
罔拂于典型。

皇曰馨哉。其格于天。其股肱于廷。

莫堅匪礪。莫濟匪舟。若若令望。孔碩孔修。罔格于卮言。
罔忽于遠猶。

皇曰彪哉。實惟阿衡。以迓天之休。

日稽古夔龍。是欽是承。日稽古管葛。是勞是仍。

皇相君子。如月斯圓。而日斯昇。亦旣欽只。亦旣勞只。

皇。心。豫。只。羣。情。陶。只。

日稽古姚宋孔才孔勤日稽古韓范孔賢孔醇

皇相君子如羹斯和而饗斯均亦既才只亦既賢只羣情陶只我心騫只

皇日大冢宰惟其計吏哉

皇日大司空惟其治事哉

皇日樞密院惟其獻議哉左哉右哉敷政優哉始哉終哉惟

一。人。之。綱。繆。哉。

有河湯湯蛟龍是羣有廟蕭蕭瑚璉是陳數仞之牆士
繁且干拳拳吐握譽我以文匪惟藻鑑乃心則仁匪惟
我師乃臣乃鄰作歌匪諛古義斯敦

江之水四章

江之水送郭羽可歸永豐也

江之水其色油油君子于歸言縱其舟就其深矣龍不
汝讎就其淺矣鷗不汝訖烟雲爛爛葭菼脩脩匪惟耳
目迺與心謀優哉游哉無使髮也秋

江之水其聲汨汨君子于歸言聞其室左詩右書厥機

洋溢烹黍斟醪孔樂且吉萬塗崎嶇一笑已畢逃之寂
寥罔有戰栗吁嗟今之人誰其子匹

瞻彼桃李豈不菲菲瞻彼燕雀豈不飛飛道衰物薄孰
識其歸孰障狂瀾孰噓孰吹光光君子德音不遠風之
晨矣載攀我帷月之夕矣載飲我卮願爲雙鳥載鳴載
嬉悲彼殘秋迫其歸兮

人之生矣如彼飛蓬蓬蓬離合汎汎西東子也旋歸有
溪有峯有魚斯膾有鹿斯從我也淹留匪頑匪聰匪驥
斯騁匪駕斯慵哀哀昊天不念我躬毛羽有限塵土無

窮執子之手。涕如奔洪。未知後會。實愷實懽。

苒苒浮雲五章

苒苒浮雲哀唐氏女也

苒苒浮雲。滔滔流波。笑日已少。哭日已多。桃李之華。不知處也。鴟鴞蝮蛇。不可語也。有豔其外。中則腐也。滄滄。訛訛。匪吾與也。哀哉乎。丈夫曾不如彼唐氏女。

彼女云何。彼性孔臧。父勞在我。母病在牀。母曰嗟乎。二豎孔驚。女曰嗟乎。寸心孔明。百醫何憤。憤以藥。以湯。嘻。不如女之肉也。良。

秋風颺颺。秋月偃偃。有暗其室。有快其翦。我體我膚。繫
母之遺。我翦我烹。厥汁淋漓。母病不救。何以生爲。蟋蟀
知鳴。鴻鵠知歸。悠悠我心。能不傷悲。

一烏兩雛。晨夕纏綿。姊兮弗飯。妹兮弗眠。妹曰嗟乎。姊
病孔迅。載翦載烹。妹肉是進。姊曰嗟乎。母病孔痲。焚香
禱天。請以身代。乃減我算。乃益母年。乃生乃死。乃心之
便。無以我故。涕下翩翩。

悠悠蒼天。孰測其橐。有鸞弗巢。有鶯弗繳。巧兮謬兮。式
俾爾博仁兮。義兮式俾爾削。彼女之摯。乃不長生。彼女

之。嫁。遲。遲。其。行。衣。裳。在。笥。爛。何。熒。熒。疾。兮。疾。兮。瘦。與。死。
并。天。甯。不。弔。神。甯。不。明。凡。百。君。子。鑒。爾。孝。貞。

有鄂者棣二十章

有鄂者棣與舍弟鴻敘懷惜別也

有。鄂。者。棣。有。連。者。荆。木。猶。嬋。媛。人。何。以。名。天。降。萬。民。或。
縱。或。橫。或。蠲。或。塘。或。鮑。或。鯨。出。門。號。號。入。門。娉。娉。雖。有。
朋。儔。不。如。弟。兄。

有連者荆有鄂者棣木猶纏綿人何以濟凡今之途靡
不詭厲朝披肺肝夕生芥蒂紆朱拖紫厥中則替雖有

富貴不如孝悌。

鴻雁于飛。或西或東。我來于燕。靡所與同。孤鳴斯索。卑走斯窮。所思不見。涕如飄風。楚水泱泱。楚山叢叢。形影在遠。魂夢在空。嘉汝之來。乃友乃恭。譬汝以道。乃磨乃礪。

有肉在梓。有酒在卮。式飲式食。與子宜之。心之繁矣。如彼繭絲。語之重矣。如節如枝。丈夫之懷。貴用酣嬉。往者勿諫。來者勿歧。仰見雙鳥。大翺小隨。以永今懽。焉知昔悲。

樵人渾渾不能爲漁。冶人錚錚不能爲車。天寒歲暮誰念腐儒。汝豈不明日我馳驅雜侯之印。維卿之符。禱我策我慎。莫腳踏乾坤浩蕩草木皆腴。弱羽奮飛。豈其然乎。

誰謂騏驎弗駛厥行。誰謂鳳凰弗昌厥鳴。我之摧挫匪其盜名。汝所未經實但且驚。汲歟。魏歟。伊古之英人能聞道不在困亨。鎮心勿悲。匿影勿明。旣蠢旣直。安得崢嶸。

食兮弗飽。眠兮弗常。勞搜遠紹厥惟文章。雷電我驅神

元我將雕肝琢腎曾不是妨汝日嗟乎無已勞苦我日
嗟乎匪今自古江河弗蓄遜彼澗渚孔孟弗孳羞彼農
圃。

小人溺名君子翹名溺名維何琢腐吞腥翹名維何生
枯死榮枯以一瞬榮以千齡松不隕柯蘭不竭馨優哉
此意無陂不平。

我在山中以嬉以敖春鳴與飛秋鶴與招有黍有芋有
魚有醪卒然驅之挂于官曹巾帶離離歲聿其飄既出
弗返萬慮以牢水厭橫流山忌嶢嶢名高患作墮淚悲

號火厥廬居喪厥鸞膠誰來唁我展也同胞

有雉者雉雄飛雌隨乃嫂之亡乃兄之悲乃嫂之榘三年不歸輪行畏虎舟行畏犀山川悠遠松檟淒淒弗歸于土魂魄痛兮

悲從何來弗究弗圖既摧厥絃又喪厥雛哀哀雨櫬淹留此都汝也請歸義與涕俱兄弟急難今不古殊道阻且長汝其慎諸

南有高原在資之陽有榆其綠有柏其蒼式屏式作式封式望乃嫂之骨孔固孔長乃嫂之雛式附于旁匪我

令汝汝慮孔詳。

日居月諸不我周旋。昔汝來矣。北風其酸。今汝歸矣。煙波際天。手足如萍。東颺西顛。雖尙達觀。豈不惻然。秋不憐人。貽此憂煎。飄飄落葉。薄薄離筵。願言少駐。義不可牽。

天道變化。人事惟正。惟父惟兄。孝悌之行。嘉汝之來。克讓克儆。勗汝之歸。克愛克敬。年不厭豐。家不厭盛。元氣在躬。乃兄之慶。

謂汝勿悲。汝涕滂沱。謂汝勿歸。汝詞姘嬰。陟岵陟岡。心

靡有佗。兄壯尙可。父衰則那。白雲窈窕。窈望見湘阿。有田
有廬。未知誰何。有筍與魚。以養以和。坦彼春風。無使髮
也。皤。

君子之言如鼎。如鐘。發人仁義耳。是以聰。小人之言如
雨。如風。搆人骨肉耳。是以聾。維汝之賢。破枉用中。維汝
之歸。不我以。仲敬告里門。而叟而童。破囂返樸。各職爾

農

謂衣可浣。其尙勿穢。謂川可防。其尙勿潰。龜勉同心。乃
驥乃愛。乃合乃離。萬里一態。乃念乃勞。蚤夜其喟。月有

朦。朧。日。有。晻。曖。嗟。哉。弟。昆。無。舛。無。昧。

驥。渴。于。塗。魚。斃。于。餌。汝。知。我。心。弗。求。弗。伎。振。我。藤。蘿。理。
我。荷。芟。我。笠。我。簔。我。笥。我。筥。我。衡。我。湘。我。廬。我。肆。行。當。
歸。兮。以。永。寤。寐。

幽。谷。匪。墜。喬。木。匪。升。相。彼。黃。鳥。靡。有。所。徵。于。皋。匪。拙。于。
天。匪。能。相。彼。鳴。鶴。靡。有。所。矜。今。我。弗。歸。實。惜。實。騰。實。柄。
實。鑿。實。凌。實。兢。搖。尾。何。附。釋。階。何。登。青。山。拳。拳。不。我。以。
稱。

我。生。之。初。如。蓬。斯。征。我。生。之。後。是。用。不。爭。樂。固。天。性。哀。

亦○人○情○但○當○加○餐○弗○斲○厥○精○弗○雜○弗○襲○弗○撝○弗○輕○天○澹○
雲○閑○逍○遙○是○并○跡○哂○蟻○援○心○希○鶴○齡○勉○哉○後○會○我○健○斯○
榮○

瞻彼蘭茝八章

瞻彼蘭茝訓子也

瞻○彼○蘭○茝○睚○睚○猗○猗○嗟○余○有○子○曷○不○挈○提○上○達○匪○易○下○
流○匪○宜○言○淑○其○躬○惟○德○惟○儀○

瞻○彼○梧○楸○藹○藹○閭○閭○嗟○余○有○子○曷○不○劬○勤○古○人○尚○實○今○
人○尚○聞○言○植○其○志○弗○淄○弗○磷○

悠悠我家代耕湖湘執耒則勞守道則臧俯借沮溺仰
眺羲皇斯心斯義孰孔之詳

嗟余趣尙匪聖則賢少而迂濶長益磨鏹豈不冠佩豈
不策鞭趨起囁嚅不我以妍

黃河勿渡太行勿登得爲失階進乃退徵豈不焜燿豈
不燦燿前期貿貿今也凌兢

枯魚我焚新甕我嘗我飲我隄其樂洋洋粲粲五籬大
小成行雖曰達觀念汝傍徨

相彼螺贏尙化桑蟲矧伊人矣弗正厥蒙爾才爾賢維

爾之躬爾不才賢我咎孔重

東門之柳淒其以秋我齒孔增爾髮孔修日月如駛願
爾綢繆爾不綢繆已矣何求

江風蕭蕭一章

江風蕭蕭哀亡友孫笏亭也

江風蕭蕭江水悠悠我友逝矣涕泗橫流念子之死不
我以顧念與子羣以朝以暮有庸在幽有魚有禽魚兮
比目禽兮好音有舟在側有萍有蓮萍葉可埽蓮心可
憐一鳥九子東西于飛子守蕪辭我朝天扉天扉孔高

蘿薜斯靜握手告別兩心炯炯魂兮夢兮萬里來翔鬢
兮髮兮變化爲霜雖有鯉魚不補纏綿雖有鴻鵠不能
翩翩參辰在天胡越在人登高望遠能不逡巡昔我與
子如膠如漆今我別子歲聿其畢昔我與子如形如影
今我哭子我咽其梗魑魅自有巫咸自無賢愚莫辨今
古同吁子之文章而不飛騰黃鐘破碎瓦缶旣鳴子之
材辨而不中世鏃錡之鋒旣塵旣翳子之風義而不嶮
嶮乃獨漁樵與子弟兄子之骨相而不壽昌乃歌乃哭
裂子肺腸子死于南我哭于北子穴子棺誰爲子職我

哭于北子死于南我銘我誄祇益我慙瞻彼日月弦望
有時荒荒子死綿綿我思抽刀斷水水流如故蠶不離
絲猿不離樹豈不達觀其如苦辛悲從中來不可以云
我生之初無爲無庸我生之後涕如飄風斯涕斯心一
何苑結子雖不知我爲子竭

瞻彼桃李四章

瞻彼桃李爲王霞九觀察題青燈課兒圖費耕
亭太守題篝燈課讀圖也

瞻彼桃李實好實榮瞻彼松樟實巨實晶厥嗣之賢母

教之明無惑于而常無荒于而經風斯雨斯惟母之丁
甯

瞻彼江河洪波孔長瞻彼泰岱崇基孔詳厥嗣之傑母
教之昌無迷于而聖無墮于而狂貞斯心斯惟母之周
防

雖有賢智古訓是踐母曰嗟乎不汝以訛并雖有愚柔
古行是勉母曰嗟乎不汝以游衍既鞭既策既譽既顯
匪其譽顯繫母之善

南陔有蘭擢擢其條北堂有萱綿綿其苗慶之溢矣維

德音孔昭矣香之永矣維書味孔包矣君子作歌斯悅
斯陶矣

海秋詩集卷之三

益陽湯鵬海秋撰

琴操二十首

思親操

舜遊歷山見烏飛思親而作

雲稠霧錯兮天茫茫親兮我兮各一方陟彼崔嵬兮遠
于望羣鳥盤飛兮攬我腸人生何期兮父母孔將夜夢
孔明兮晝弗忘萬有孔薄兮天愛長心如日月兮髮秋
霜願言百年兮保壽康

湘妃操

舜陟方死於蒼梧。二妃死於湘江之間。後人哀之而作

望不見兮蒼梧。嗟我勸不斷兮湘水。紛波君王去矣。捐綺羅紅顏窈窕。心匪佗已乎已乎。奈愁何。

襄陵操

禹治洪水上會稽山作

洪水兮滔天。崩山抗石兮。蒼然魚鱉摧死兮。可憐萬民。嗷嗷兮。憂煎忍。獨樂兮。晝食夜眠。俾奠定兮。聊塞吾愆。

岐山操

太王避狄遷岐周公哀之而作

乾坤崎嶇兮靡定處君民遑遑兮泣如雨
邪非夷兮岐非阻式遷式營兮用心苦
仁不化侵陵兮智其有補彼哉彼哉不余侮

拘幽操

文王拘羑里作

樂莫樂兮旱爲霖悲莫悲兮牢穽深
行苦顛蹶兮坐苦擒呼號無從兮
悄酌斟履仁蹈義兮振古如今
生當黽

勉兮死當堙沈何必蒼天兮知我心

採薇操

伯夷叔齊恥食周粟隱於首陽之山而作

瞻彼薇矣離離其萼人之無誼君子所薄瞻彼薇矣猗猗其華人之無顏君子所嗟螻蟻自馴鯨鯢自橫甯小而泰勿大而傾薄言采薇是刈是烹豈惟療飢可以已爭

履霜操

尹吉甫子伯奇無罪爲後母譖而見逐自傷而

作

朝○畏○霜○巖○兮○暮○畏○霜○寒○形○單○影○隻○兮○血○淚○斑○斑○兮○不○我○
拯○兮○匪○父○之○愆○母○不○我○畜○兮○匪○母○之○殘○命○適○蹇○兮○罪○多○
端○呼○天○自○訟○兮○他○何○敢○言○人○生○如○此○兮○大○艱○難○憫○憫○內○
顧○兮○摧○心○肝○

士失志操

文公重耳奔狄其後返國賞從亡不及介子推
從者憐之而作一曰龍蛇歌

日○月○孔○明○兮○不○照○重○淵○五○蛇○從○龍○兮○一○蛇○遷○延○匪○其○遷○

延兮龍德有偏得勢失勢兮枉用喟然山中逍遙兮且以永年。

雉朝飛操

沐犢子年七十無妻出薪於野見雉雙飛感之
而作

彼雌者雉無止我園其文斐尾使我悲憐彼雄者雉無止我亭其形揭驕使我咤驚我咤我悲誰察我心曲我老我孤誰念我嗣續凡民之生鮮不有欲抑獨何爲天不我祿。

別鵠操

商陵穆子娶妻五年無子父母欲其改嫁其妻
聞之中夜悲嘯穆子感之而作

黃鵠飛兮。裴哀雄顧。雌兮心哀。昔比翼兮。金石諧今乖。
離兮。胡爲哉。願欲從卿兮。父母猜。衰盛適然兮。理可推。
憂能傷人兮。懷當開。無使紅顏兮。化爲埃。

龜山操

季桓子受齊女樂孔子欲諫不得退而望魯龜

山作

龜何爲兮倬詭不情不能雲雨兮蔽魯則橫匪其蔽魯
兮魯自不明縱莠亂苗兮道涓汚涇鳴臬盤天兮鳳皇
悲鳴庶其有悔兮邦家之榮

息鄆操

孔子之趙及河聞鳴犢竇犢見殺回輿旋衛息
鄆而作

行乎否乎吾安能瞿瞿乎止乎否乎吾安能踰踰乎踰
踰而生德之辱也蹇蹇而死道不足也河水如鏡我心
如衡西去則否東歸式甯還息於鄆有廬可扃有詩有

書有琴與觥不願乎外其樂難名。

猗蘭操

孔子自衛反魯隱谷之中見薺蘭獨茂喟然嘆曰蘭當爲王者香今乃與衆草伍因自傷不逢時而作

蘭之特矣。忽其羣矣。其羣其羣。誰爲汝殷勤。蘭之香矣。忽其霜矣。其霜其霜。誰爲汝悲傷。貴兮弗甘。賤兮弗苦。但念無辜。泣涕如雨。九州遨遊。靡有定處。實崎實嶮。實齟齬。老之將至。歲不我與。悠悠蒼天。裂我肺腑。

殘形操

曾子夢見一狸不見其首作

彼麟之角兮。彼鳳之喙。今非其時兮。不我以俱。胡爲乎
狸兮。身首模糊。吉凶在天兮。無以夢也。愚。

歸耕操

曾子在外十有餘年。懼父母之養不備。而作

苕苕遠遊。歷歲年兮。好名汨性。不如力田兮。式耕式養。
爲父母憐兮。父母之不憐。其他又何足言兮。歸哉歸哉。
我罪斯斯兮。

水仙操

伯牙學琴於成連成連曰我之學不能移人之
情吾師有方子春在東海中乃賈梁從至蓬萊
山成連迎其師刺船而去旬時不返伯牙心悲
而作

海蕩蕩兮風與波連魚龍叫嘯兮羣鳥悲酸木葉紛紛
兮如雨如煙延頸四望兮心渺綿先生不返兮道在旃
寥寥此意兮誰與傳

采芝操

四皓爲秦博士遭世暗昧坑黜儒術退居南山

而作

彼曄者芝在南山之陽于以采之人不我攘彼曄者芝
在南山之陰于以采之人不我侵皇農已矣憂患絜矣
一縱一橫荒厥是矣一飛一潛析厥指矣維其有見矣
是以有止矣維其有閑矣是以有美矣

八公操

淮南王好道正月上辛八公來降而作

悲下土之人兮矍矍嘈嘈憾無羽翼兮騰于神霄八公

知我心兮來降來招。驂以紫虬兮飲以瓊膏。遊遊白玉京兮其樂陶陶。蹈波不濡兮入火不焦。千齡一瞬兮安知髮髮之飄飄。

歸風送遠操

趙飛燕作

風飄飄兮吹衣。執手脚踏兮遠別離山。有厓兮水有淵。去復去兮無窮期。明月不寄余心兮黃鵠又不可騎。思君子兮當告誰。靈填雨冥兮慘獨悲。

於忽操

龐德公隱於峴山之南而作

於忽乎。陸有虎。水有蛟。君子如慄。曷不遁。逃於忽乎。
蘭爲環。佩荔爲裳。君子如貞。曷不韜藏。彼之忌矣。勿其
蹈矣。彼之無矣。勿其誚矣。居世苦短。知幾苦遲。及今有
悔。乃嘉。乃綏。今如弗悔。乃險。乃熾。於忽乎。吾不可以
眴爲。

海秋詩集卷之四

益陽湯鵬海秋撰

古歌謠

黃童白叟歌

童喁喁叟翩翩葺爾屋肥爾田

叟衍衍童子炊爾黍焚爾魚

童亦無所知叟亦無所知戴天履地其樂熙熙
叟亦無所求童亦無所求沐日浴月其樂悠悠

管葛頌

才乎才乎無管與葛將安開乎時乎時乎無管與葛將
安施乎

元妙歌

太和和哉儲九精哉蠲百痾哉其人美且皤哉
太空空哉翔沈寥哉造龐洪哉其人美且崇哉

寂寥歌

朝無人暮無人翩翩黃鳥翔我庭黃鳥黃鳥爾勿鳴
海有鯨山有虎褰衣欲往風霾苦已而已而聊樂我宇
童子酌我酒媿女爲我歌閉門息影樂無涯白日耽晚

奈我何。

嚴先生歌

併序

澈浦嚴先生治南山有聲詩人美之而作歌

嚴先生在南山之南鞭爾犢浴爾蠶民是以妯

嚴先生在南山之北剖爾訟殲爾賊民是以式

南山之雲不傍崔嵬但亭亭兮爲我嚴先生來南山之
風不振枯槁但飄飄兮爲我嚴先生好

春娟娟花滿郭先生在南山樂且上南山頭暮上南山
腳扶杖之老紛其騰躍

秋黯淡霜滿邱先生死南山愁暮莫上南山脚日莫上
南山頭垂髻之稚哀啼啾啾

生爲南山父母死爲神酒白蕉黃來享來欣願爾民意
萬年弗枯弗涸弗飢以呻

思美人

練如雪郁如蘭思美人心盤桓
聚如月散如煙思美人心渺綿
山峩峩水泱泱思美人心窅茫
天高高地老老思美人心潦倒

悲秋辭

霜霰下矣百卉俱腓矣昨之盛而今之衰矣日月逝矣中心曷歸矣今之是而昨之非矣

反悲秋辭

風其騷矣而松不枯秋乎秋乎松不汝辜乎霜其凜矣而菊不賤秋乎秋乎菊不汝悔乎

羞貧辭

脛脛乎其無成乎安得瀟湘之湄買田以耕乎墨墨乎其無譽乎安得峒嶺之峰葺屋以居乎

反羞貧辭

一區之芋可以營吾飽兮毛髮飄蕭忽其好兮一勺之泉可以療吾渴兮心腸結懣忽其豁兮

折楊柳送別辭

秋風蕭蕭霜露涼之子去矣道路長折楊柳兮心蒼茫
秋風切切衣裳寒之子去矣形影單折楊柳兮淚潺湲
秋風顛顛毛髮槁之子去矣蓬蒿老折楊柳兮復何道

挽歌

併序

大夫之賢者不得志以死可哀也

壯亦蹉跎老亦蹉跎嗟嗟奈老何生亦蹉跎死亦蹉跎
嗟嗟奈死何

北邙冢兔與狐冢中枯有與無念子逝矣云何不吁
人問世萬不齊愚者樂賢者悲念子逝矣云何不疑
其疑維何杳乎冥哉其吁維何德之馨哉大美不耀乃
與腐草爲螢哉彼蒼者天尙訶余之悲鳴哉

短歌三章

山自高水自流大絃小絃心悠悠子期逝矣三千秋
赤松子浮邱公導我以翱翔胡爲乎塵土行

筮不郭璞醫不扁鵲福不來兮禍不作

樂莫樂

樂莫樂兮松與喬悲莫悲兮羈絆牢

樂莫樂兮沮溺耕悲莫悲兮塵土橫

樂莫樂兮才不才悲莫悲兮驥突飛

樂莫樂兮味無味悲莫悲兮魚中餌

樂莫樂兮鶴鳴皋悲莫悲兮猛虎咆

樂莫樂兮鳴高翻悲莫悲兮蟋蟀繁

樂莫樂兮薤蘭芬悲莫悲兮淄與磷

樂莫樂兮飲醇酒。悲莫悲兮腸結糾。
樂莫樂兮煙霞古。悲莫悲兮風霾苦。
樂莫樂兮金石壽。悲莫悲兮腰圍瘦。

織女歌

露稀風靜月娟娟。河漢清淺心纏綿。
露裙瓊佩交新鮮。柔橈諺婧止復前。
佳期至矣靈鵲便。流連瀾漫樂難言。
牽牛歌

東西迢遞去幾許。赤螭青翰來容與。
秋雲霏霏振羅紵。鳳笙鸞幕歡讌語。
扶桑欲紅驍驂舞。會短別長涕如雨。

雜歌謠四十章

鴛鴦乎何爲而雙飛乎伯勞乎何爲而單棲乎嗟乃其
宜乎

棘端刻猴豈不殊乎嗟幻兮猴有無

懸蝨而射兮磴磴乎紀昌誰能駕梭猊兮千里一息萬
里一翱翔

燕燕爾亦勞暮宿檐下巢且營梁上巢一何翹翹

蚯蚓無口兮其鳴也紛
蜘蛛有絲兮弗以供綺羅而
網彼飛蟲

蛇兮虺兮畏彼蜈蚣牛兮馬兮奈蚊蚋之能攻
百尺桐十丈蕉風兮雨兮不汝以饒

凌霄花蔓纏古木匪孤標羌何爲乎號凌霄

鼠姑鼠姑其香滿區大雨如盆小雨如珠紅殘紫暗奈
而乎

瓜乎瓜乎既其惡麤而又化爲魚乎

蝶粉活蜂蜜肥蜂兮蝶兮無是非

狐千年木千年以木照狐狐不能翩翩

馳驅者騶耶歐政者驢耶嗜嗜者鳳凰耶洵河者鵝鵝

耶

莎可笠。藤可杖。叢叢蒺藜刺脛不可往。

階有藁。牖有松。哀哉荒野外。離離白頭翁。

翦春羅。翦秋羅。春兮秋兮紛可翦。其若冬青萬葉何。

彼鳩兮知陰雨。奈何雉子斑。不顧罽羅舉。

兔絲不可以爲衣。燕麥不可以爲食。彼君子兮。慎莫馳其聲而落其實。

螺蚌自有珠。鯉魚自有書。誰其剖之。我所吁。

鴟啄腐鼠。鳩雛悲腐鼠。可啄。咄嗟乎。鴟宜不宜。

菩。提。種。從。何。來。芙。蓉。花。爲。誰。開。使。我。一。步。干。裴。裒。
木。何。爲。而。傲。寒。草。何。爲。而。指。佞。於。戲。草。兮。木。兮。性。其。正。
葵。之。智。矣。衛。其。足。蘭。之。仁。矣。而。膏。不。可。續。哀。彼。百。卉。于。
誰。軌。躅。

白龍來下清冷淵。豫且豫且汝慎旃。

咄。嗟。乎。猩。猩。能。言。君。子。食。其。馘。而。啜。其。羹。咄。嗟。乎。猩。猩。
不。如。人。

鹿角墮矣得長生。哀彼象齒莽自傾。

虎識人不捕醉與癡。嗟嗟醉與癡。

扇兮扇兮。卻彼炎蒸。羌何爲兮。揮蠅枕兮。枕兮。怡我寤寐。羌何爲兮。辟魅。

有瓶弗守。乃潰厥口。有鏡弗呈。乃穢厥形。盤弗銘鼎。弗銘豈惟不聞道。乃不汝以生。

萬鐘弗爲厚。二簋弗爲薄。小人媁媁。君子綽綽。雖有鷓鴣。尙畏秋霜。雖有蝮蛇。尙畏雄黃。

蟲飛飛。赴明燭兮。命可傷。白蟬藏身於萬卷兮。樂且無央。

月暈知天風。礎潤知天雨。心欸欸兮。誰告語。

大魚能江湖。小魚能溝渠。各各不相踰。
種松不成。且種萱。種萱不成。勿復言。

皇蘇皇蘇。釋我勞艾。蕭資萊不得驕。

苟塗之弗斜。何必乎雲母車。苟波之弗投。何必乎太乙舟。

孰澤我顏。惟有櫻桃。孰悅我性。惟有蒲萄。

無患木于以棲之。綏福祿不死草。于以茹之多壽考。

綿竹謠

併序

內子旣歿於都而憑於亂以告其家之昆季道

余前身爲四川綿竹令渠爲幕賓綢繆許與無
閒言今是以有絲蘿之緣余聞而悲之作綿竹
謠

生爲綿竹令兮死當爲神悔隨塵土兮以有此世之悲
辛

前之世與我好兮今之世不我以終彼蒼者天兮惡知
余之淚紅

綿之山其蘭千年綿之江其月嬋媛哀我兩人悲歡離
合一何騰騰

綿之江其月皎皎綿之山其蘭美好哀我兩人已焉哉
勿復道勿復道

黃金臺歌

天昭兮日星明地固兮河嶽并燕昭仁兮郭隗榮獨立
蒼茫兮吾淚橫

若之何歌

雨師善雨而使之風不能吹噓兮將焉從醫師善醫而
使之巫不能嫵媚兮將焉如

對月歌

洛和言集 卷四 九
月乎我乎皎皎者在天乎亭亭者在牖乎出亦照我乎
入亦照我乎吁其偶乎

我乎月乎寥寥者我心乎種種者我髮乎昔亦對月乎
今亦對月乎吁其末乎

蠍虎謠

銘兮主敬咒兮驅邪蠍虎蠍虎奈何
長尾如較短尾如艾我兮我兮奈何
西有匿景東有逝波我兮蠍兮俱奈何

小兒歌

天陰陰啼哭深。塞簾見白日。一何快心。

折黃花插帽。偏黃花黃花。亦可憐。慎莫傷其根。

鷓鴣鷓鴣繞我廊。呼僮引弓翼。墜雙胡爲乎。繞我廊。

阿母哺我哺我。勿怒我阿母。怒我怒我還。哺我嗟嗟仁哉阿母。

奴曰虎在右。婢曰豹在左。誰能不怖汝。曹給我寢。勿離牀褥。走勿踰門闌。阿母阿母。不我憂患。

人間可哀之曲六十一章

併序

亡荆瑞華殞已再葺一夕夢其來喃喃絮絮說

生前死後事不休。因代其意爲人間可哀之曲。

六十一章

今夜月今夜心繁哀不能整。嗚咽爲君唵。
君九天妾九泉兩載不相逢。涕下一何翩。

妾思君欲騎赤虬歸。鬼伯不我云。

君思妾輾轉在牀茵。盈盈淚垂睫。

妾思君魂魄西復東。蕩蕩徒悲辛。

君思妾悲啼減容顏。撼撼如寒葉。

妾思君茫如瞽與聾。枯坐斷知聞。

君思妾浩如江與河。風濤相積疊。

今夜月。今夜風。絢纒整環佩。窮窈倚梧桐。

望我廬。疑恍惚。門前雙老槐。枝枝葉葉相撩撥。

黃犬故狺狺。鷓鴣雞故膠膠。認我舊主人。不鳴不吠。但週遭。

拭我鏡上塵。理我琴上絃。故物增新悲。含淚不能言。
絲帶結合歡。綿被著同功。是妾昔時意。今爲君所慵。
淚染石榴裙。髮結象牙梳。是妾昔時痕。今爲君所吁。
青絲纏蠶筐。白珠綴蝦簾。是妾昔時掛。今爲君所瞻。

躑躅何豔豔。貧管何纖纖。是妾昔時種。今爲君所收。
甕底醪濁耶。清耶盜中米。白耶黃耶。

婉變兒詩耶。書耶嬌癡女。沐耶梳耶。

阿俶。欸十四餘。殷勤惜居諸。慎莫嗜糟粕。慎莫守沮洳。
阿健。兒何爲者。顛蹶黃泉下。毒魔施惡痘。扁鵲不能假。
風。颯。颯。涕。泗。滂。阿健數已竭。阿俶理宜詳。

阿俶。飢。魚。菜。稀。阿俶。寒。衣。裳。單。嗟。嗟。飢。寒。

阿俶。飽。啖。梨。棗。阿俶。煖。著。袍。襦。嗟。嗟。飽。煖。

阿蘭。妹。復。阿蕙。女。遠。嫁。當。何。鄉。妹。時。勿。草。草。翠。冠。白。玉。

璫

阿蘅如最小小行止太婷娉班昭有女誠慎勿厭叮嚀
阿莊如先我亡阿健阿菁如後我亡哀哀九幽閉栩栩

三雛將

三雛從地下四雛寄人間君子解提攜無使妾悲歎
君心如霽月執義如泰山泰山長崔嵬霽月常團圓
雖有琨與瑤不棄故所佩雖有嬌與嬈不忘故所愛
阿姊爲故人阿妹爲新人醴泉同甘洌芝草同本根
不知故人醜不知新人好君子厭二三纏綿勝窈窕

不知故人去。不知新人來。君子善變化。恍惚生悲哀。

篋中何所有。齊紈魯縞紛。編爛裁爲新人衣。霜雪不能寒。

杵中何所有。魚羹鹿脯汁。淋漓煮爲新人餐。歲暮以無飢。

腰間何所有。赤珠紫玉青珊瑚。垂爲新人佩。一步十躑躅。

階下何所有。青裳丹棘黃金花。插向新人頭。鬢髮生光華。

妾心何所禱。但願新人樂百年。長壽考。
妾心何所終。庶幾君子健。令名施無窮。
芒乎忽不可求。反乎覆妾心憂。

妾在君騰騫。妾死君左遷。左遷尙可慎。莫涕墮。

君爲人不蒙。顛肝膽如古。劔咳唾秋稜稜。

君爲官太頽。頽听然吐太阿。盍解鞞夜光。

泥滑滑。驥莫行。竹實稀。鳳莫爭。行且道。道行屏營。

南陌柳。淒以黃。何用鬪春風。秋淚滿蒼茫。

北邙柏。淒以綠。借問冢中枯。已矣謝馳逐。

滔滔東逝波。苦矣精衛心。偃仰將云何。
暖暖西匿景。傷哉夸父才。蹭蹬不能逞。
撞君鐘飲君酒。千愁萬恨復何有。

膾名魚炙肥牛呼。僮理華筵買妓發清謳。

爲樂當及時。慎莫自離齷。徒爲達者嗤。

不見霜飄飄。草木實可惜。蟋蟀紛夜號。

壯不樂老已來。學佛求仙俱藐茫。惟有讀書飲酒開其
懷。

敕新人。治酒漿。君子調饑渴。鬚髮不能蒼。

敕新人。和瑟琴。君子。嗚。悵。鬱。涕。淚。不。能。侵。

敕新人。勤箕帚。君子。潔宮室。埃。埽。不。能。厚。

陸有車。水有舟。妾欲從君死。已休萱草。萱草不療憂。

君有憾。妾知之。妾有言。君當思。君不慎。思妾心悲。

奈何許。隻翼不復雙。吞聲淚如雨。

星。睽。睽。夜。將。曉。妾。欲。去。悲。風。繞。

暫盤桓。相逢魂夢後。相思那得闌。

妾來沸君愁。妾去了君悲。幽。明。自。有。限。安。能。學。學。數。追。

隨。

直如弦

直如弦。駕短轅。曲如鈎。騎紫騮。

直如弦。臥寒氈。曲如鈎。衣名裘。

直如弦。心纏綿。曲如鈎。肆噍啁。

直如弦。淚潺湲。曲如鈎。快遨遊。

直如弦。惜暮年。曲如鈎。髮不秋。

直如弦。悄孤鶩。曲如鈎。百不憂。

借隱歌

併序

僕雖羈絆不果還山。然新婦瓊華飄飄乎有借

隱之志也作歌以言其情

陟彼北山。白其蓂兮。于焉擷之。以佐君子之炊兮。
遵彼南陌。青青其桑兮。于焉蠶之。以充君子之裳兮。
君子有園。或棗或棗。君子有泉。或菱或藻。樂不可道。
君子有酒。或壺或觥。君子有懷。或琴或笙。樂不可名。
胡爲乎。緯繡胡爲乎。擠排歸去來。
胡爲乎。蹴躡胡爲乎。褻裒歸去來。

豪士歌

廩廩号号。毛髮上橫。撫劍躑躅。不能悲鳴。飲酒一石。擁

書十牀。鵲鵲鵲。無止我庭。

黃鵠萬里振以長風。六區八極載西載東。安能屑屑從彼狡童。青天。裊裊時倚梧桐。

曾不徇。曾不婀娜。揮霍變化。乃無不可。崑崙斯扶。滄溟斯瀉。雌霓雄風。爲我上下。

前鳴咽歌

併序

哀石黼廷給諫也

朝讀寶劍篇。暮讀寶劍篇。其聲嗚咽。心纏綿。朝歌猛虎行。暮歌猛虎行。其聲嗚咽。天爲青。

子之稜稜兮以其愚子如不愚不成子之譽
子之咄咄兮以其窮子如不窮不成子之終
匪金匪石安得百年生亦不羨兮死亦不憐
匪泥匪沙安得棄捐其生也齟齬兮其死也可憐

後鳴咽歌

併序

哀龔春溪編修也

朝聞春風暮化爲西風其聲嗚咽一何重
朝聞春風暮化爲北風其聲嗚咽不能終

子之賢兮湖湘之士爲子翩翩子之死兮湖湘之士爲

子悲酸

子之賢兮謠詠者誰蒼天蒼天知子悲子之死兮嗚咽者誰蒼天蒼天知我悲

悲亦不可塞辨亦不可伸維子之故使我逡巡辨亦不可伸悲亦不可塞維子之故使我慘惻

輓轉歌

無可酬矣豈其憂矣高斯凜凜下斯悠悠矣
無可倖矣豈其屏矣窮斯洋洋達斯挺挺矣
無可言矣豈其吞矣歿斯已已生斯拳拳矣

無可標矣。豈其淆矣。今斯泯泯。後斯昭昭矣。

夢歌

髣乎髴乎。將何訖乎。糝乎糊乎。將何盱乎。天乎天乎。其
茫乎否乎。夢乎夢乎。其然乎否乎。

覺歌

鷄鳴喔喔。我心爆爆矣。惟其爆爆。是以有濯矣。鷄鳴膠
膠。我心寥寥矣。惟其寥寥。是以有超矣。

晝合謠

併序

花有夜開晝合者。余嘉其有尙綱之義。名之曰

書合花。夷攷合歡花一名夜合枝柔葉弱乃婦人女子枕中物然則夜合者其花淫書合者其花儻以澹泊爲宗耶作書合謠

夜何豔豔兮。晝不見紅。吁嗟晝合兮。吾所崇。晝不見紅兮。夜何豔豔。吁嗟晝合兮。吾所忝。